



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Conciliorum Omnium Generalium Et Provincialium Collectio Regia**

Ab anno CCCCLI. ad annum CCCCLXXV.

**Parisiis, 1644**

Concilium Viennense.

**urn:nbn:de:hbz:466:1-14887**

nihil nos de Alexandrina ecclesia , quæ tam grauiter quantitur, instruere voluisse ; cum monere te nec increpatio nostra destiterit, vt, participata solicitudine, literas meas apud Christianissimum & clementissimum principem præsentibus tuæ dilectionis prosequereris alloquiis , & instituti veteris memor , in orthodoxorum defensionem nobiscum sic semper incumberes, ne quisquam nostrum , Christiana plebe pereunte, reatum deditio[n]is incurrat, & mercenarius potius videatur esse quam pastor. Vnde hortamur dilectionem tuam, vt opportune atque importune piis auribus insinuare non desinat, quatenus remotis scandalis quæ in Alexandrinam ecclesiam recidiuis aribus irruerunt, pax optata reddatur, & celeriter vigilancia tuæ profectus , posthabitatis difficultatibus, inducatur. Data octauo Idus Nouembris , Seuerino consule. directa per Restitutum.

N O T A.

\* Epistola. ] Perbreues hasce & aculeatas literas postremas ad Acacium dedit Simplicius , quibus illum aduersus haereticos ad prælium euocare conatur ; sed frustra, vtpote qui transfuga factus in castris aduersariorum militet , sollicitaque apud imperatorem agat, vt duo venenati colubri , truculentæ bestiæ & faces haereticorum , Cnaphæus & Moggus Antiochenæ & Alexandrinæ sedi obtrudantur, legitimique posseflores Calendion & Ioannes episcopi inde expellantur.

ANNO CHRISTI 474. CONCILIVM VIENNENSE.  
IN CAVSA ROGATIONVM TRIDVANARVM  
ANTE ASCENSIONEM DOMINI CELEBRANDARVM,  
a beato Mamerto Viennensi episcopo sub Simplicio  
papa, <sup>b</sup> circa annum Christi CCCCLXXIV. habitum.

N O T Æ.

\* Concilium. ] De rebus in hac Synodo gestis chronicon Cameraense a reuerendo & eximio viro ac domino Georgio Coluenerio sacrae theologiae academiæ Duacensis doctore ac professore absolutissimo , collegiatæ ecclesiæ ad sanctum Petrum canonico & scholastico , antiquitatis amantissimo , paucos ante annos editum , ac notis illustratum , libro primo, capite octauo , ista : *Huius temporibus habita Synodus Vienna urbe describitur; ad quam Galliarum episcopi a beato*

Mamerto conuocati pene omnes conuenerunt: ubi & ipsi beatum Remigium, utpote diuinis eloquii eruditissimum & prestantioris gratia priuilegio facundissimum, venire petierunt. At vir sanctus, senio grauis, cum corporis imbecillitate detineretur, beatum ille Vedastum vicarie sollicitudinis cooperarium direxit. In ea namque urbe, ut beatus Gregorius Turoensis urbis episcopus scribit in gestis Francorum, tunc temporis inaudita cines prodigia terroruerant. Hinc enim motu terra maximo, multarum ecclesiarum subita euersione, & ruentium palatiorum concusione, grauis animis delectio incubuerat, instantibus prodigiis mundi terminum & extrellum iudicii diem superuenturum spectantibus. Porro ibi bestie multe oberrantes, lupi, vrsi ac cerui ingredi per portam ciuitatis, homines plurimos deuorantes, hoc per totum annum faciebant. Superuenienti solenni die pascha, sanctus Mamerius eiusdem urbis episcopus cum in ipsa vigilia sacrum mysterium celebraret, palatum quoque regale, quod editore urbis loco eminebat, diuino igne succensum est. Hanc diuine indignationis animaduersiōnē ex offensa hominum accidisse aduertentes episcopi, communi consilio decreuerunt seruari ieunium, quod triduo ante ascensionem Domini usque nunc per omnes Galliarum ecclesias agitur: sive ipsa tribulatio atque subuersio quietuit. Haec chronicon praedicto loco.

Quo tempore.

<sup>b</sup> Circa annum Christi 474.] Ado Viennensis in chronicō hanc Synodus anno Domini 452. tempore Leonis papae celebratam, eodemque tempore rogationes triduanas institutas esse scribens, errat: cum sanctus Remigius huius Synodi tempore episcopus extitisse referatur, quem anno 471. qui est annus quartus Simplicii papae in Rhenensem episcopum ordinatum esse constet. Post annum Christi 475. habitam non esse, arguunt epistola quarta libri quinti, & prima libri septimi, Sidonii Aruernensis episcopi. Anno igitur 474. adscripti hanc Synodus, quam ex ordinatione sancti Remigii episcopi ante 471. & ex epistolis Sidonii, ante 475. celebratam fuisse probauit. De rogationibus vide quae notauiimus ad epistolam ultimam Hilari papae supra.

---

## CONCILIVM ARELATENSE,

ANNO  
CHRISTI  
475.

QVOD A LEONTIO ARELATENSI episcopo ad condemnandum prædestinationis errorem congregatum est circa annum Christi CCCCLXXV. Simplicii papae, & Eurici Vesogothorum in Gallia regis temporibus.

Quo consilio coacta fuerit haec Synodus, & quae in ea tractata sint, declarant Fausti episcopi Reiensis libri duo de gratia Dei, & humanæ mentis libero arbitrio, quos ex Synodi Arelatensis sensu ac sententia scriptos a se, & a Synodo ipsa subscriptos testatur